



Nr. 04/14

Datë: 24.10.2014

Prishtinë

*Në mbështetje të nenit 9 pika 2 dhe të nenit 106 pika 1 të Statutit të Fakultetit të Studimeve Islame (në tekstin e mëtejme FSI), në mbështetje të propozimit të Komisionit për hartimin e Draft-Rregullores për studime në FSI, Këshilli Mësimor-Shkencor i FSI-së në mbledhjen e mbajtur më datë 24.10.2014 Kryesisë së Bashkësisë Islame të Republikës së Kosovës i propozon:*

## **RREGULLOREN**

### **Për Veprimtarinë Kërkimore-Shkencore**

#### **Dispozitat e përgjithshme**

##### ***Neni 1***

Me këtë Rregullore rregullohet organizimi i veprimtarisë kërkimore-shkencore, të drejtat dhe detyrimet e organeve kompetente të Fakultetit dhe pjesëmarrësve të veprimtarisë kërkimore-shkencore, hulumtueseve si dhe

veprimtaria botuese e fakultetit si pjesë e veprimtarisë kërkimore-shkencore.

### *Neni 2*

Stafi akademik i fakultetit është i obliguar të bëjë kërkime shkencore dhe punë hulumtuese në përputhje me aftësitë e tyre profesionale dhe obligimet që dalin nga politikat e Këshillit të Fakultetit. Çdo anëtar i stafit akademik, do të vlerësohet një herë në vit për kontributin e tij në veprimtarinë shkencore.

### *Neni 3*

Fakulteti përkushtohet për krijimin e kushteve të përshtatshme për kërkime shkencore dhe veprimtari hulumtuese dhe për të ndihmuar stafin akademik që të arrijë rezultate konkurruese në nivel kombëtar dhe ndërkombëtar.

### *Neni 4*

Veprimtaria kërkimore-shkencore përfshin këto aktivitete:

- Realizimin e hulumtimeve themelore, të avancuara dhe aplikative me qëllim të zhvillimit të hulumtimit shkencor në fushat e shkencave Islame si: shkencat e Kur'anit, shkencat e hadithit, shkencat e fik'hut, shkencat e historisë dhe shkencat e filologjisë, në fushat e sociologjisë, marrëdhënieve ndërkombëtare dhe diplomacisë, të drejtat e njeriut, si dhe shkencat dhe teknologjitë bashkëkohore;
- Organizimin e konferencave shkencore vendore, rajonale dhe ndërkombëtare, të punëtorive dhe seminareve, hulumtimin shkencor dhe bashkëpunimin me institucionet tjera hulumtuese në vend dhe jashtë;
- Bashkëpunim me ndërmarrjet ekonomike dhe publike;
- Përgatitjen e studimeve dhe analizave për fushat e shkencave Islame si: shkencat e Kur'anit, shkencat e hadithit, shkencat e fik'hut, shkencat e historisë dhe shkencat e filologjisë, në fushat e sociologjisë, marrëdhënieve ndërkombëtare dhe diplomacisë, të drejtat e njeriut, si dhe shkencat dhe teknologjitë bashkëkohore dhe të ngjashme;
- Përpilimin e programeve studimore dhe programeve të tjera;
- Organizimin e seminareve për zhvillimin profesional të stafit akademik në lëmenjtë shkencor relevant për Fakultetin;
- Veprimtarinë botuese (botimin e librave, teksteve universitare, monografive dhe revistave shkencore);
- Veprimtarive tjera hulumtuese-shkencore në fushat që mbulohen me programet studimore në Fakultet.

## *Neni 5*

Veprimtaria kërkimore-shkencore nga ana e zyrave realizohet në formë të kërkimeve themelore dhe kërkimeve të aplikuara që janë në lidhje të ngushtë me nevojat e interesit publik.

Bartësi kryesor i aktivitetit kërkimor-shkencor është stafi akademik i Fakultetit angazhuar në realizimin e tij me detyrime individuale apo grupore.

## **Organizimi**

### *Neni 6*

Në përputhje me Statutin e Fakultetit të FSI-së, Dekani është përgjegjës për:

- udhëheqjen e aktiviteteve të hulumtimit në Fakultet në pajtim me misionin dhe planin strategjik;
- bashkëpunimin ndërkombëtar shkencor;
- planin vjetor të fakultetit për punë kërkimore-shkencore së bashku me buxhetin vjetor për hulumtim shkencor;
- shpërndarjen e mjeteve të nevojshme për realizimin e veprimtarisë hulumtuese;
- koordinimin dhe prioritetizimin e planit dhe aktiviteteve të propozuara hulumtuese shkencore të zyrave;
- informimin e organeve menaxhuese të fakultetit rreth aktiviteteve hulumtuese

dhe përfaqësimin e aktiviteteve hulumtuese brenda dhe jashtë shtetit;

- përpilimin e politikave, rregulloreve dhe procedurave për rregullimin e veprimtarisë hulumtuese;
- konfirmimin e kërkesave për financim të hulumtimit;
- ndjekjen e pagesave rreth kompensimeve për punët e realizuara, shërbimeve të dhëna dhe furnizimit me materiale dhe mjete pune për koordinatorët e projekteve;
- evidentimin dhe ruajtjen e kontratave me shfrytëzuesit e shërbimeve;
- shpenzimet për mjetet teknike për hulumtim dhe infrastruktura hulumtuese;
- realizimin e aktiviteteve tjera lidhur me veprimtarinë hulumtuese.

Veprimtaria hulumtuese në Fakultetin e Studimeve Islame koordinohet nga Dekanin.

Dekani është përgjegjëse për:

- botimin e revistës shkencore "Buletini"
- përkrahjen e zhvillimit profesional të kuadrit akademik;
- botimin e teksteve universitare;
- mbikëqyrjen e administrimit dhe monitorimin e projekteve hulumtuese vendore dhe ndërkombëtare;
- përkrahjen e aplikimeve për projekte të ndryshme vendore dhe ndërkombëtare;
- mirëmbajtjen e seksionit për hulumtim të web-faqes së Fakultetit;
- koordinimin e bazës së të dhënave për hulumtim;
- menaxhimin dhe organizimin e shpërblimit `Hulumtuesi më i mirë i vitit`.

Aktivitetet kërkimore-shkencore në nivel të zyrës mbikëqyret nga Këshilli Shkencor i zyrës në pajtim me rregulloren e tyre dhe menaxhohet nga Dekani. Mbështetja e realizimit financiar të projekteve hulumtuese bëhet në bashkëpunim me

Zyrën për financa dhe hulumtim.

Hulumtuesit individual janë përgjegjës për hulumtimin personal dhe të arriturat e tyre i regjistrojnë në serverin e fakultetit.

#### *Neni 7*

Dekanati është përgjegjës për veprimtarinë botuese të Fakultetit: revistën shkencore, tekstet universitare dhe publikimet tjera.

Botimi i tekstit universitar miratohet me vendim të Këshillit mësimor. Ky vendim publikohet në tekstin që botohet.

### **Komisioni për hulumtim**

#### *Neni 8*

Komisioni për hulumtime verifikon dhe vlerëson përputhshmërinë e të arriturave shkencore të shënuara nga stafi akademik në bazën e të dhënave për hulumtime, në pajtim me kriteret e përcaktuara me Rregulloren për zgjedhje në thirrje mësimore shkencore.

Komisioni përbëhet nga Dekani (kryesues), nga 1 anëtar i kuadrit akademik të fakultetit me thirrje akademike profesor i asocuar ose më lart, me përvojë të dëshmuar në fushën e hulumtimeve shkencore, dhe një këshilltar i

jashtëm. Administratori i Komisionit për hulumtime është Asistenti në Zyrën për hulumtime. Puna dhe funksionimi i komisionit rregullohet me udhëzimet dhe procedurën operacionale. Puna përfshin alokimin e pikëve për evaluimin dhe promovimin e stafit në pajtim me Rregulloren për zgjedhje në thirrje mësimore shkencore, mësimore profesionale dhe asistent doktorant.

### **Zyra kërkimore-shkencore**

#### *Neni 9*

Zyra kërkimor-shkencor në kuadër të Fakultetit është: Zyra për Hulumtime Shkencore Islame.

#### *Neni 10*

Puna dhe veprimtaria e zyrave rregullohet me rregullore të veçanta për secilën zyre.

### **Hulumtuesi i vitit**

#### *Neni 11*

Komisioni për hulumtim i analizon rezultatet e hulumtimit të krejt stafit akademik në bazë vjetore nga databaza e hulumtimit dhe përgatit listë të hulumtuesve më të mirë për evoluim të mëtutjeshëm. Nga ky selektim Komisioni propozon hulumtuesit për shpërblim.

### **Dispozitat financiare**

#### *Neni 12*

Veprimtaria kërkimore-shkencore financohet nga buxheti i Fakultetit për kërkime shkencore si dhe nga pjesëmarrja e partnerëve dhe donatorëve të jashtëm bashkëpjesëmarrës në projektet e përbashkëta.

Me vijën buxhetore për hulumtime shkencore mbulohen:

- projektet hulumtuese të fakultetit dhe zyrave;
- pjesëmarrja në konferenca shkencore kombëtare dhe ndërkombëtare;
- botimi i punimeve shkencore në revista shkencore ndërkombëtare (të listuara në Thomson Reuters Web of Knowledge);

- shpenzimet për bashkëfinancim-pjesëmarrje në projekte hulumtuese rajonale dhe ndërkombëtare;
- shpenzimet për botimin e *Revistës Buletini*.

Lartësia e mjeteve financiare për veprimtari kërkimore-shkencore caktohet me buxhetin e Fakultetit, të miratuar nga Këshilli-Shkencor. Alokimi i mjeteve financiare të parapara në buxhet bëhet sipas prioriteteve të Programit vjetor të hulumtimeve shkencore të aprovuar nga Dekani.

### *Neni 13*

Buxheti për hulumtime dhe zhvillim është i ndarë në dy vija buxhetore përmes të cilave Fakulteti ndan mjete për shfrytëzim individual:

- pjesëmarrja në konferenca shkencore ndërkombëtare
- botimi i punimeve shkencore në revista shkencore ndërkombëtare (të listuara në Thomson Reuters Web of Knowledge)

### *Neni 14*

Me vijën buxhetore për hulumtime shkencore dhe zhvillim mbulohen shpenzimet për botimin e teksteve universitare nga stafi akademik me orar të plotë, në pajtim me programin e lëndës. Kjo çështje rregullohet me Procedurën për botimet e fakultetit.

### *Neni 15*

Stafi i Fakultetit (i rregullt dhe me orar të shkurtuar), i angazhuar në projekt pranon honorarë (staff costs), në pajtim me vijën e harxhimeve për staf në projekt, me ndalesë për harxhimet institucionale prej 20% si dhe tatimin personal sipas ligjit.

## **Dispozitat përfundimtare**

### *Neni 16*

Zbatimi i kësaj rregulloreje bëhet konform procedurave.

*Neni 17*

Kjo rregullore hyn në fuqi ditën e miratimit nga Kryesia e BIRK-ut

**Vërteton:**

Prof. asoc. Dr. Fahrush Rexhepi, dekan

